

Il mas-chalch da Sent



Publicaziuns officialas. Cumpara seguond bsögn.

2006/2008

no. 59

7554 Sent, 18 settember 2008 / mw

Publicaziun da fabrica

Reguarda: Nouva lobgia, Sala 244, parc. no. 55
Patrun da fabrica: Keller Annette & Peter, Sissacherstrasse 53, 4052 Basel
Profilà: 03.09.2008
Publicaziun: 18.09.2008
Termin da protesta: 08.10.2008

Publicaziun da fabrica

Reguarda: Divers müdamaints, Chasa B, Costa dad Archas, parc. no. 602
Patrun da fabrica: Taverna Armon, Tanter Vias 572, 7554 Sent
Profilà: --
Publicaziun: 18.09.2008
Termin da protesta: 08.10.2008

Publicaziun da fabrica

Reguarda: Lobgia vers vest, porta our d'stüva, fanestra aint illa porta da chasa, La Chavorgia 91, parc. no. 206
Patrun da fabrica: de Weck Claudia & Roger, Rütistrasse 22, 8032 Zürich
Profilà: 20.08.2008
Publicaziun: 18.09.2008
Termin da protesta: 08.10.2008

Publicaziun da fabrica

Reguarda: Saiv davant chasa, Plaz 149, parc. no. 273
Patrun da fabrica: Bardola Jon & Nicola, Wängirain 65, 8704 Herrliberg
Profilà: --
Publicaziun: 18.09.2008
Termin da protesta: 08.10.2008

Publicaziun da fabrica

Reguarda: Nouvas lobgias, Bügliet 106, parc. no. 202
Patrun da fabrica: Trauffer Regula, Bügliet 106, 7554 Sent
Profilà: --
Publicaziun: 18.09.2008
Termin da protesta: 08.10.2008

Publicaziun da fabrica

Reguarda: Fouras geotermicas, Surataglia 274, parc. no. 31
Patrun da fabrica: Rauch Cla, Surataglia 274, 7554 Sent
Profilà: --
Publicaziun: 18.09.2008
Termin da protesta: 08.10.2008

Edizium: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischiun da fabrica

Comunicaziun a regard las tschernas pel trienni 2009/2011

In november da quist on han lö darcheu las tschernas da las instanzas cumünalas. Il Cussagl appellescha a la populaziun da s'occupar a temp cun quista fatschenda. Causa cha sül nivel cumünal nu daja partits chi surpiglian da nominar candidats, spettaina cha gruppas d'interess o singulas persunas fetschan quai. Propostas pigliaina fich gugent incunter, a partir da subit, sül büro cumünal. Ils noms da las candidatas o dals candidats vegnan lura dats cuntschaint tras il Mas-chalch.

Il Cussagl dà quattras eir cuntschaint chenünas persunas chi sun prontas da candidar pel trienni 09/11.

Capo cumünal: Jon Carl Rauch

Cussagl cumünal: (4 candidats)
(I vain elet cumplessiv, e's constituíscha svesa). Georg Salomon, Jachen Andri Schmidt e Marianne Werro-Lehmann

Cumischiun sindicatoria: (3 candidats) Andri Linsel, Domenic Augustin e Chasper Alexander Felix

Cussagl da scoula: (4 candidats) Jon Cantieni, Seraina Felix e Susanne Ruben

Il Cussagl cumünal

**"Avis da duonna dr. med. Iris Zürcher, Curtin 13, 7554 Sent /
Mitteilung von Frau Dr. med. Iris Zürcher, Curtin 13, 7554 Sent**

La pratcha resta serrada da sonda, ils 4 october 2008 fin dumengia ils 12 october 2008 causa vacanzas.
Die Arztpraxis bleibt von Samstag, den 4. Oktober 2008 bis Sonntag, 12. Oktober 2008 wegen Ferien geschlossen.

Il numer urgiaint da'ls meidis da chasa d'engiadina bassa **081 864 12 12** da agüd 24 uras/7dis.
Die Notfallnummer der Hausärzte des Unterengadins 081 864 12 12 bietet Hilfe rund um die Uhr an 7 Tagen.

Dna. Dr. med. Iris Zürcher

Racolta ed ingrazchamaint

1. october: Marcurdi da las 14.00 – 16.00 per uffants (annadas 2000 aval). Scha l'ora permetta eir aint il liber. Reunion in chasa da pravenda. Manader rav. Jörg Büchel e chi chi ha amo interess da güdar.

4 october: Sonda davent da las 13.00: Imbellir la baselgia cun fluors e früts racolts.

5 october: Cult divin festiv ed imbelli dad uffants, battaisem da Laura Andrigetti e musica da Christine Wetter (dal Trio Nordwind). Soncha Tschaina.

Jörg Büchel, rav.

Marchà d'utuon 2008

Sco minch'on ha lö eir quist on a Sent il marchà d'utuon.

In sonda als **4 october 2008 da las 10.00 fin las 16.00** in Plaz.

Annunzchas ed infuormaziuns piglia incunter per telefon dna. Nadja Demonti-Ritz
tel. 078 829 53 35 o 081 864 00 69

Il comitè dal marchà

S-chargiada d'alp e vendita da chaschöl gio dal char

Sco üsità daina eir quist on la pussibilità a tuot la populaziun da cumprar chaschöl da Lavèr gio dal char al di da la s-chargiada d'alp.

Predsch dal di:frs. 16.00 al kg

Cura: Sonda, 20.09.2008 da las 10.00 fin las 14.00

Ingio: Davant chascharia

Per la vendita ed ün'ustaria cun latmilch ed oter prodots pisseran ed invidan amiaivelmaing

Las pauras ed ils paur da Sent

3 Avis – per leger giò l'ura da l'aua, (per chi chi nun ha amo fat quai)

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal fin il plü tard ils **30 settember 2008**. Il Cumün as resalva il dret da far controllas da las indicaziuns.

Tagliar

Indicaziun – ura da l'aua 2008

Stadi da l'ura da l'aua: als

Chasa no. Possessur:

Quist fögl po gnir büttà aint illa chartera dal Cumün pro l'entrada da la chasa cumünala fin als **30 settember 2008**.

Radunanza generala - Società da duonnas

Invid a nossa radunanza generala in lündeschdi, als 22 settember 2008 a las 20.00 al caffè Sala.

Tractandas:

1. Rapport da la presidenta
2. Prelecziun dal protocol
3. Rendaquint
4. Data per cumanzar
5. Donaziuns
6. Varia

Lavurs sün postaziun sun amo adüna actual. Grazia fich

No sperain sün gronda cumparsa e vain grond plaschair da pudair salüdar eir novas commembras.

Società da duonnas



| | | |
|------------|-------|---|
| 21.09.2008 | 17.00 | Concert aint in baselgia: Ida Zisler + Nicoletta Scheucher |
| 27.09.2008 | 20.15 | Concert cun Paulin Nuotclà |
| 11.10.2008 | 17.00 | Vernisasha da l'exposiziun cun disegns da Annetta Ganzoni / Andri Peer |
| 17.10.2008 | 20.15 | "Das Engadin als Ort poetischer Inspiration" Annetta Gancini / Andri Peer |

Grotta da cultura

Stagiun da far cider

A partir da subit spordscha la **BUTTEGA** a Scuol la pussibilità da far cider in quantitats pitschnas o grondas.

A Scuol be dasper la **BUTTEGA** pigliaina incunter Vossa maila o paira per l'elavuraziun. Implü vaina eir la pussibilità da pasteurisar Vos cider per til pudair conservar. Quels chi nun han svesa butiglias han la pussibilità da cumprar recipiains adatats sül lö. Ils predschs per nossas prestaziuns importan: Far cider: 25 raps al liter Pasteurisar ed implir: 30 raps al liter

No ans allegrain da pudair elavurar Vossa frütta, eschan però our da motivs d'organisaziun dependents d'üna reservaziun telefonica avant sco manar la frütta.

BUTTEGA, Chasa Monreal, Scuol, tel. 081 860 31 14 o fax: 081 860 31 16

BUTTEGA

Viadi da cumpagnia:

Als 26 settember 2008 faina nos viadi cun Andri gio Meran. A las 07.00 partina davent da Plaz vers Mals. La faina üna posa da caffè. Davo viaggiaina cu'l tren fin Meran. Be dasper la staziun ais eir la faira, uschè pudaina eir ir a faira. Il viadi cuosta frs. 45.00 inclusiv il bigliet dal tren. Il giantar paja minchün(na) sves.

Annunzchas piglia incunter fin als **20 settember 2008, suot il nommer da telefon 081 864 07 59 Erica Clalüna.**

Las plazzas sun limitadas. Sperain cha possan passantar ün agreabel di insembel e salüdain cordial

Da vender a Sent in lö quiet e central chasa cun 4 abitaziuns e üert, 315 m2 e 4 plazzas da parcar.

1. abitaziun cun 85.1 m2 surfatscha d'abitar 2. abitaziun cun 45.2 m2 surfatscha d'abitar 3. abitaziun cun 58.1 m2 surfatscha d'abitar 4. abitaziun cun 50.1 m2 surfatscha d'abitar

Quai füss üna chasa fich adattada per üna famiglia indigena. Trais abitaziuns sun drizzadas aint sco abitaziuns da vacanzas e bleras famiglias chi vegnan in vacanzas ils ultims ons füssan prontas da gnir inavant in quellas abitaziuns.

Interessents pon s'annunzchar pro Nora e Tinet Stalvies-Peer, Sot Pradè 132, telefon 081-864 06 40 o pro Roland Defilla, Sot Pradè 138, 7554 Sent, telefon 081-864 07 82, email: info@defilla.ch

Nora e Tinet Stalvies-Peer

Ramassamaint da büschmainta e s-charpas

Dals 30 settember fin als 2 october 2008 vain ramassada tras las dittas (Terre des hommes e la ditta Contex) büschmainta veglia e s-charpas douvradas.

Las dittas manzunadas sustegnan cun quistas entradas, als uffants in bsögn, i'ls pajais esters. I'ls prossems dis vegnan scumpartits duos sachs, per deponar büschaminta e s-charpas. L'alp e nair per büschmainta e textilia e quel gelg e cotschen per s-charpas.

Per plaschair deponar quists sachs tenor avis süls sachs, la bunura avant las 08.30 bain visibel da la vart da la via.

Las duos instituziuns ingrazchan ouravant a la populaziun per quist agüd.

Contex SA

